

Euskal Herriko Ahotsak  
ahotsak.com

*Julita Munitiz Zallo Ispo*

*Bermeo  
Bizkaia (1921)*

Aurkibidea



## Biografia



[Gaztelu](#) inguruan sortu zen 1921. urtean. Gurasoak ere bermeotarrak zituen, aita armagina zuen. Gazterik hasi zen lanean saregin eta neskabila bezala eta horretan ibili zen erretiratu arte. Bermeoko "Casa del niño"n ere neskame beharrak egin zituen. Bere ahizparekin batera irlandera aritu zen dantza-taldean. Bere umetako lagun eta koinata [Luzia 'Oka'](#)rekin batera egin genion elkarrizketa.

## Zintak

### BRM-083

- **Proiektua:** Bermeoko ahotsak
- **Elkarrizketatzailea(k):** Goiria Mendiola, Nerea
- **Data:** 2011-07-12
- **Iraupena:** 64 min
- **Euskarria:** Bideo digitala
- **Kodifikatzailea:** Goiria Mendiola, Nerea
- **Transkribatzailea(k):** Elizondo, Iratze

### BRM-084

- **Proiektua:** Bermeoko ahotsak
- **Elkarrizketatzailea(k):** Goiria Mendiola, Nerea
- **Data:** 2011-07-12
- **Iraupena:** 56 min
- **Euskarria:** Bideo digitala

## Pasarteak

### 1. Bermeon denek zuten ezizena

- **Erref:** BRM-083/003
- **Iraupena:** 0:01:18. **Hasi:** 00:03:50. **Bukatu:** 00:05:08
- **Multimedia:** bideoa online ikusgai

#### Gaia(k):

- Familia eta harremanak » Herriko giroa » Gaitzizenak

#### Laburpena:

<p>Luziaren aitaren ezizena <em>Oka</em> zen eta berak ere bera jaso du. Bermeon askok dute ezizena, ezizenez ezagutzen ziren-eta.</p>

## 2. Etxeetako ateak denetzako zabalik

- **Erref:** BRM-083/005
- **Iraupena:** 0:02:26. **Hasi:** 00:06:32. **Bukatu:** 00:08:58
- **Multimedia:** bideoa online ikusgai

### Gaia(k):

- Familia eta harremanak » Herriko giroa

### Laburpena:

<p>Antzina denak ezagutzen ziren Bermeon. Etxeko ateak zabalik egoten ziren, denak ziren lagunak-eta. Etxera sartzeko "Ave Mar&iacute;a Pur&iacute;sima" esan behar izaten zen.</p>

### Transkripzioa

- Atziñeko Bermio zelakue zan?
- Luzia: Atziñeko Bermio ez daitz ba zelakue ezan dan atziñeko Bermio.
- Julita: Atziñeko Bermio lagun gehidxau orain baiño.
- Luzia: Orain dau kanpotar gehidxau bermiotarrak baiño. Ezetu bez ez gara eitten alkar, kanpotarran pasiñugaz.
- Julita: Ta lagun be gehidxau, alboko atie be igiritte.
- Luzia: Kisketa ganien.
- Julita: Ta geurie be igiritte ta trankil.
- Luzia: Orain ez.
- Julita: Orain ez.
- Luzia: Gitxi-gitxi badan be zerrajie etxa biher dozu /bizu/, bandidugaittik.
- Ta lehen kaletako atiek-eta?
- Julita: Igiritte, kisketa ganien ta igiritte, giltzik be ez duun biher izaten ezan /bizatezan/.
- Luzia: Antziñe ez zan oten zan horrelakorik, kisketa ganien itxi ta zeuk guzun lekure tire egun guztiko. Han okitzen ezan zun, baie gaur ezin dxe.
- Ta kisketak-eta zelakoak izaten zien?
- Luzia: Normala.
- Julita: Normalak.
- Oingo modukoak?
- Luzia: Ez, ez.
- Julita: Ez, oraingulakuek ez.
- Ta zelakoak ziren ba?
- Julita: Etxie?
- Luzia: Atie?
- Zelakoak ziren kisketak?
- Luzia: Burdizkuek, burdizkuek okitzen zauen kisketa.
- Ta atie zabaltzeko ta?
- Luzia: Zabaldur, kisketa ganien itzi zu ta listo, ta zer datorren ba... "Ave María Purísima" esan da barrure. Hori esan barik ez.
- Ha ez!
- Julita: Baie orain ez e!
- Luzia: Orain ez dau horrelakorik antziñen. Igual ez badiño hori amak, atzera ia nor itzi dozun kolarrien esanda "Ave María Purísima", hori esan barik ezin sartu etxera, "Ave María Purísima" ta barrure. Ostantzien ez dau entradarik. Beste mundo bat.
- Julita: Baie ni atziñeko kalera bizitzen dxun ingo leki nai. Gaztelure ni neu. Beti gusta dast. Aiztie bizi de, aizte txikidxena.
- Lucia: Irene.
- Julita: Baie, neuri beti gusta dast bera kalie.
- Zer deko ba, diferentie-edo?

- Julita:- Ba bertan dxaidxo zaralez ta bertan ibil zaralez zeure gaztetasune olgetan.
- Luzia: neure denpora guztidxe bertan.
- Julita: Plazuleti da-ta Gaztelun tabernak dauzen lekuen ba.

### 3. Beti beharreen, edozertan

- **Erref:** BRM-083/007
- **Iraupena:** 0:02:46. **Hasi:** 00:10:53. **Bukatu:** 00:13:39
- **Multimedia:** bideoa online ikusgai

#### Gaia(k):

- Ekonomia eta industria » Emakumeak lan-munduan (etxetik kanpo)
- Familia eta harremanak » Lagunartea eta familia » Etxeko giroa

#### Laburpena:

Koinatak izan aurretik ziren lagunak Julita eta Luzia. Portua ere elkarregaz aritu ziren beharreen. Julitari sekula ez zitzaion eskola gustatu nahiz eta mojekin ondo konpondu. 16 urte zituela, Luzia "Casa del niño"ra joan zen neskame lanetan. Gerora saretan eta neskatila moduan ibili zen. Luzia 3 hilabetez egon zen Gasteizen neskame moduan.

### 4. Emakumeek ere dirua irabazi behar zuten

- **Erref:** BRM-083/010
- **Iraupena:** 0:02:32. **Hasi:** 00:15:11. **Bukatu:** 00:17:43
- **Multimedia:** bideoa online ikusgai

#### Gaia(k):

- Ekonomia eta industria » Emakumeak lan-munduan (etxetik kanpo)

#### Laburpena:

Bi bapore izan zituzten etxekoek. Gizonek egiten zuten bertan lan, baina ordaindu emazteak ere egin behar izaten zuen. Edozer egiten zuten dirua lortzeko, baita zapatak saldu ere. Andrek kontrolatzen zuten etxeko ekonomia.

### 5. Irabazitakoa amari eman behar

- **Erref:** BRM-083/011
- **Iraupena:** 0:01:19. **Hasi:** 00:17:43. **Bukatu:** 00:19:02
- **Multimedia:** bideoa online ikusgai

#### Gaia(k):

- Familia eta harremanak » Lagunartea eta familia » Etxeko giroa
- Itsasoa » Lehorreko lanak » Diru kontuak

#### Laburpena:

Amari eman behar izaten zioten irabazitako guztia. Behin bere ahizpak amari gezurra esan zion ez zuela kobratu esanez, eta Julitak amari esan zion ahizpak non ezkutatzen zuen dirua.

### 6. Saregin beharrak

- **Erref:** BRM-083/012

- **Iraupena:** 0:02:07. **Hasi:** 00:19:02. **Bukatu:** 00:21:09
- **Multimedia:** bideoa online ikusgai

**Gaia(k):**

- Itsasoa » Lehorreko lanak » Sare-konpontzaileak

**Laburpena:**

Bere senitarteko batekin ikasi zuen sareak josten. Egun guztian zehar egin behar izaten zuten lan. Zer nolako lanak egiten zituzten azaltzen du.

## 7. Sareak josteko materiala

- **Erref:** BRM-083/013
- **Iraupena:** 0:01:23. **Hasi:** 00:21:09. **Bukatu:** 00:22:32
- **Multimedia:** bideoa online ikusgai

**Gaia(k):**

- Itsasoa » Lehorreko lanak » Sare-konpontzaileak

**Laburpena:**

Sareak josteko orratzak eta artaziak beharrezkoak ziren. Orratzak olazkoak izaten ziren. Haria altorraren modukoa izan behar zen, zuria. Mota askotako hariak eta sareak zeuden.

## 8. Sareginena kontu handiko lana

- **Erref:** BRM-083/014
- **Iraupena:** 0:02:25. **Hasi:** 00:22:32. **Bukatu:** 00:24:57
- **Multimedia:** bideoa online ikusgai

**Gaia(k):**

- Itsasoa » Lehorreko lanak » Sare-konpontzaileak

**Laburpena:**

Julitaren ustez ez dago ondo josteko sekreturik, kontu handiz aritzea baino ez da behar dena. Saregin asko zeuden. Julitak lan egiteari utzi zionean 5 ogerleko kobratzen zuten orduko; hasieran, ogerleko bakarra. Sareginak beti egon behar izaten zuten bustita.

## 9. Gizarte segurantzaren aparte ordaindu behar

- **Erref:** BRM-083/015
- **Iraupena:** 0:01:27. **Hasi:** 00:24:57. **Bukatu:** 00:26:24
- **Multimedia:** bideoa online ikusgai

**Gaia(k):**

- Ekonomia eta industria » Lan-baldintzak
- Itsasoa » Lehorreko lanak » Sare-konpontzaileak

**Laburpena:**

Beti lanean aritu arren, ez zuten kotizaziorik, beraiek ordaindu behar zuten aparte. Askotan udan kobratzen zuten neguan egindako lana.

## 10. Sareginen arropak

- **Erref:** BRM-083/016
- **Iraupena:** 0:01:02. **Hasi:** 00:26:24. **Bukatu:** 00:27:26
- **Multimedia:** bideoa online ikusgai

### Gaia(k):

- Itsasoa » Lehorreko lanak » Sare-konpontzaileak

### Laburpena:

Sareginak beti izaten zuten amantala jantzita, betiere iluna. Oinutsik egiten zuten lana.

## 11. Sareginak batak besteari lagundu behar

- **Erref:** BRM-083/017
- **Iraupena:** 0:03:14. **Hasi:** 00:27:26. **Bukatu:** 00:30:40
- **Multimedia:** bideoa online ikusgai

### Gaia(k):

- Itsasoa » Lehorreko lanak » Sare-konpontzaileak

### Laburpena:

Sareak tindatu egiten ziren kolore zuriak ez baitu behar itsasorako. Zapaturako garbitzen zituzten sareak: garbitu, eskegi eta konpondu beharrekoak josi. Baporeak zituzten sareginak besteak lagundu behar izaten zieten hurrengoan beraiek ere laguntzako jaso zezaten.

## 12. Adarra sarean zortea emateko

- **Erref:** BRM-083/019
- **Iraupena:** 0:00:50. **Hasi:** 00:31:04. **Bukatu:** 00:31:54
- **Multimedia:** bideoa online ikusgai

### Gaia(k):

- Itsasoa » Sineskerak, ohiturak eta erritoak

### Laburpena:

Julitak eta Luziak inoiz ganduaren adarra jarri izan zuten sarean zortea eman zezan.

## 13. Neskak beharrak

- **Erref:** BRM-083/022
- **Iraupena:** 0:02:59. **Hasi:** 00:35:33. **Bukatu:** 00:38:32
- **Multimedia:** bideoa online ikusgai

### Gaia(k):

- Itsasoa » Lehorreko lanak » Lehorreko lanak

### Laburpena:

neskak moduan aritutakoak dira Luzia eta Julita. Beraien eginbeharra zein zen azaltzen dute. Kofradira eramaten zuten arraina, eta bertatik saltzen ziren fabrikara. Buru gainean eramaten zituzten otzarak.

## 14. "Loidxie"n erabilera

- **Erref:** BRM-083/024
- **Iraupena:** 0:00:30. **Hasi:** 00:39:10. **Bukatu:** 00:39:40
- **Multimedia:** bideoa online ikusgai

### Gaia(k):

- Itsasoa » Lehorreko lanak » Lehorreko lanak

### Laburpena:

"Loidxie"k ontzien bodegak dira. Bertan zer gordetzen zuten azaltzen dute.

## 15. "Loidxe" asko

- **Erref:** BRM-083/026
- **Iraupena:** 0:01:43. **Hasi:** 00:41:32. **Bukatu:** 00:43:15
- **Multimedia:** bideoa online ikusgai

### Gaia(k):

- Itsasoa » Lehorreko lanak » Lehorreko lanak

### Laburpena:

Beraien familiako "loidxie", bodega, Erriberan zegoen, baina beste leku askotan ere egoten ziren. Enbarkazio askoz egoen Bermeon eta beraz, baita "loidxek" ere.

## 16. Abertzaleak izan arren errepublikazaleekin ezkondu

- **Erref:** BRM-083/029
- **Iraupena:** 0:01:31. **Hasi:** 00:45:31. **Bukatu:** 00:47:02
- **Multimedia:** bideoa online ikusgai

### Gaia(k):

- Politika » Jarrera politikoak » Errepublikanoak
- Politika » Jarrera politikoak » Abertzaleak

### Laburpena:

Beraien etxeak abertzaleak ziren, baina beraien senarrenean errepublikazaleak. Hasiera batean, Julitaren amak "baltza"rekin, errepublikazalearekin, ibiltzearen errieta egin zion.

### Transkripzioa

- Julita: Gu orduen imiek, ta gu ba nazionalistek, ta gure gizonak errepublikanuek. Ta gure etxera etorri aitxe itsosotik.
- Luzia: Atziñen polikienganien Ape Marie!
- Julita: Ta beti haulan, beti haulan bekokidxegaz. Ta nik haulan amari: "ama, gure aitxek egunien egunien itxosotik bekokidxe dakar, ze indxatso ba?" Ta berak entzun: "ze in dxasten? Baltzakaz zabilzizilako".
- Luzia: "Baltzak" errepublikanuek "baltzak", "baltzak" esaten ezan dotsoien.
- Julita: "Baltzakaz, baltzak die" diñotsat. "Ta bai neuri esan dostie baporien, alabak han dabiltsuz, alaba bidxek baltzakaz" Neuk halan: "harek gizonak okin dxauie, dakoie inbididxe, eurek ein dosku errekadue ta eurek ez dulez guzan ta guzan dulez haunek ba, orain eurokaz gabiltzez". Ta gero sumiñeri zemat gure, baltzari zemat gure, bera nazionalistie ezan

da benetakue gure aitxe, benetako nazionalistie. Bai, Estellara be dxun zien aldeano dxantzitxe ta harrike ata zauien, kuadrillie dxun zan ta harrike atara, baie ezan da nazionalistie ta baltzakaz ta ikusi! Pentsa bez! ta gero sumiñik onena. Sumiñik onena gero baltza. Haulan.

## 17. Errepublikazaleei barre egiten zieten

- **Erref:** BRM-083/032
- **Iraupena:** 0:03:25. **Hasi:** 00:49:01. **Bukatu:** 00:52:26
- **Multimedia:** bideoa online ikusgai

### Gaia(k):

- Politika » Jarrera politikoak » Errepublikanoak
- Politika » Jarrera politikoak » Abertzaleak

### Laburpena:

<p>Errepublika sasoiaren mitinetan eta manifestazioetan parte hartzen zutenei barre egiten zieten. Abertzaleei, aldiz, ez zieten akatsik aurkitzen. "Putasio" errepublikazalea aipatzen dute, Julita bere alabarekin ibili zen eskolan. Eskolan ez zuten aldaketarik sumatu errepublika heldzerakoan.</p>

### Transkripzioa

- Julita: Mitiñe eitten bai etorten ezan die, ta gu geuk, gaztie ezaten ezan garizelez "Ei bitu, datozen dan-dan-danak horrek komunistek eta erreboluzionariuek danak die kojuek, danak die juosabuek". Ez jatzu akordaten?
- Luzia: Tuertuek, tuertuek juosabuek aitzakidxe.
- Julita: Geuk aitzakidxe ataten. Geu imiek ezan, geu gaztetxuek ezan, ta geuk dxakin kontraidxe dizela hauek ta geuk esaten "horrek beitu dan-danak die edo kojuek edo tuertuek". Haulan etorten ezan dilako edo egune pasaten edo manifestaziñuen edo txarrauren bat eitten etorten ezan dilako, baie geu ba nazionalistek beti.
- Ta eskolan eta zuek diferentziarik igerriz zenden errepublika sasoi?
- Julita: Ez nik, ez. Ta ni Putasio alabigaz ibil naizen eskolan, atziñeko Putasio.
- Nor zan Putasio?
- Luzia: Harek zer daki!
- Julita: Putasio deittuten ezan dotsoien, Putasio berari. Hurrek ezan die anaidxe bi, bat etorten da Bermiora ontze be zerak eta eitten, Bermioko lamerie be berak ein zauen. Hortik bizi de Donosti mandatik, Benitok amestadie dako nehiku beragaz.
- Luzia: Hektorregaz?
- Julita: Nestor.
- Luzia: Hektor Bastarretxea.
- Julita: Nestor Bastarretxea.
- Bai.
- Julita: Haren lehengusiñe ezan da, haren tio ezan da Putasio. Putasio izana imin dotsoiena.
- Luzia: Izizena.
- Julita: Izizena imin dotsoiena errepublikanuek.
- Luzia: Ta gehidxe Putasio.
- Julita: Ta gehidxe Putasio.
- Luzia: Lehen izen barik beti Putasio. Ikusi zu Putasio, ikusi zu Putasio?
- Julita: Gero Putasio...
- Luzia: Izizena.

- Julita: Ta nazionalistek datozenien Ape Marie! badakizu zelako mutillek dizen? badakizu zelako geuk, geuk bakizu zelako. Dana topaten ezan dun nazionalistentzako dana ondo.

- Luzia: Guriek beti onak, iñonak beti korkobaduek.

- Bueno esan dozu eskolan...

- Julita: Eskolan haren alabigaz ibiltzen eza naiien ni ta Putasion alabigaz, Iziarregaz. Ba eguno neu ta bera lagun handidxe. Jardiñera dxutigaitek eitten ezan dotsaten trentxa bi okitzen ezan dotsuz lazuek kendu, berak esan da eitteko, haulan lazue jardiñera bota ta orain bille dxun bihar dozu / bizu/ ta berak haulan mojieri ta neuk be bai neuri da ta bille dxutiitik. Azkanien monjiek eitten ezan doskun patiñe-ta garbiren bota, bidxok, baie bertan, errepublikano, nazionalistek eta ez, eguno bez, eskolan eguno bez.

- Ez baia eskolatan ta kurtzak eta ez biezana kendu, kurutziek-eta?

- Julita: Bai kurtze santien...

- Ez baia kendu ez zauien kendu errepublikano ta erregien erretratuek eta horrek kendu?

- Luzia: Gaztiak orduen.

- Julita: Orduen e!

- Luzia: Orduen erregien erretratuek-eta.

- Kurtziek eta kenduta ez.

- Julita: Nik ez dot ikusi erregien erretraturik. Kurtziek eta kendute bez. Hori esaten ezan dauien kanpuen, baie gure herridxen ez, gure herridxe neuk daitzela.

## 18. Abertzaleak ez ziren 'Centro Republicano'ra hurreratzen

- **Erref:** BRM-083/034
- **Iraupena:** 0:03:30. **Hasi:** 00:53:06. **Bukatu:** 00:56:36
- **Multimedia:** bideoa online ikusgai

### Gaia(k):

- Politika » Jarrera politikoak » Abertzaleak
- Politika » Jarrera politikoak » Errepublikanoak

### Laburpena:

<p>Bere osaba bati txikiteoan zebilela errepublikazale batek labana sartu zion. Errepublikazaleak Lamerako kafetegi batean batzen ziren. Abertzaleak ez ziren sartzen horra, ezta ondotik pasa ere. Behin andre batek harriak hartzeko esan zieten bertara botatzeko, baina beraien mutil-lagunak barruan zeudenez ez zituzten bota.</p>

### Transkripzioa

- Julita: Errepublikanuek, errepublikanuek, gure aitek eguno be ez dau gure ezan /guzan/ etxien, eguno bez, baie neu kanpotik entera. Lagunek dxun zien ba txikiteuen, auntek ibiltzi lez, ta ein dotsoien bateri, neure tio bateri, kutxillue sartun batek konturetu barik ta odoletan planta ta "e, e" haulan hasi geure tio. Geure aitteri zoratu ein dxatso, baie esan bez berak nork ein tson. Gure aitek be esan bez nork ein tson, ezan die errepublikanuek. Hamen okin dxaue, han juidxe errepublikanuek, ta bapora be bada nazionalistie handik urten errepublikano lekora. Hori eitten ezan dau!

- Luzia: Atziñen politikigaz.

- Julita: Bai baie ostantzien haulan, hauri bai. Ta dendie be igual errepublikanuna ta horra geu be ez gariz dxungo, nazionalistek dauzeniko,

hauna.

- Ta on zan Zentro Errepublikanorik-edo?

- Luzia: Bai, Zentro Republikanue Lameran.

- Julita: Baie ez da izan kafe bat baiño.

- Luzia: Kafie, baie.

- Julita: Bertan batzien izan die.

- Luzia: Baie banderie bertan. Haren banderien azpittik iñoiz pasa bez.

Beste losara pasa ta bueltan, haren banderien azpittik pasa ez, ta pentsa bez. Neu ez, ez nai pasa sekule bez! Eitten ezan doten kantiñe ondora dxuen, Juaneneko kanpoko mandara aillega ta abante. Atziñe politikien ganien total on da...

- Julita: Ta andra batek esan doskun guri, neuri ta aitziri ta beste aizte biri, saritan on gariz laurok, saritan aizte bi gu ta beste aizte bi saritan, ta andra batek: "zuek laurok tire orain biharra akaba du te Frantzunatxetara ta harri dxekaz bete partikarak ta republikanora tire ta harri dxue lantza!"

- Luzia: Kaferi.

- Julita: Dxuen ta gure aiztiek haulan: "nik ez dot eitten", "zer ba?"

"Esteban dauelako han" Nobid xue berana.

- Luzia: Nobid xue.

- Julita: "Nik ez dot lantzako", "Neuk bez". Ta gu pasa, laurok. Beste egunien: "ze in zu ba?" "Lantza du", "ta iñor anpara zue?" Neuk halan, honek dako balora. "Guk zer dakigu anpara badauien ba? Guk lantza duu".

- Luzia: Guzurrek.

- Julita: Gero beste egunien dxun ta neure nobid xue bertan. Neuk lantza harri dxue? nobid xue dxoteko? Ez nik. Ta ez duu ein eguno, baie gure aldien zaharra dana, hild xue dau atziñerik bera andrie, baie zaharra izan dala bera, balor txarragaz esaten ezan dosku hartziko harri dxek ta dxuteko ta hareri botateko kristelak hausteko. "Ta barrun dxoten badauen?", "Ba dxoten badauen, dxo". On dalako bertan Lameran ba, kafien albuen, kafie ezan da bera be ta, leko onien on da, baie ez du ein eguno. Eruen bai indxu harri dxek, berak andriek esan da, baie lantza ez.

## 19. 'Bermeoko pildainistak' abestia

- **Erref:** BRM-083/035
- **Iraupena:** 0:02:42. **Hasi:** 00:56:36. **Bukatu:** 00:59:18
- **Multimedia:** bideoa online ikusgai

### Gaia(k):

- Ohiturak eta bizimodua » Kantak » Bestelako kantak
- Politika » Jarrera politikoak » Abertzaleak

### Laburpena:

<p>Abertzaleei "Pildaiñistak" deitzen zien. Luziak horri buruzko abesti bat abesten du. Lehengo abertzaleak gogorragoak zirela diote.</p>

### Transkripzioa

- Luzia: Atziñen nazionalisteri esaten ezan dotsoien, pildaiñistek.

- Julita: Pildaiñistek.

- Luzia: Pildaiñistek.

- "Bermioko pildaiñistek dxuen diez Estellara... (Julita: Neure aitxe-ta) Bitorid xeko entradan harri ke atara.

Bermioko pildaiñistek dxuen diez Estellara,

Bitorid xeko entradan harri ke atara.

Bat eta bi, hiru te lau,

banderie gorde ta ekar dau,  
bost eta sei, zazpi zortzi,  
bizirik itzi tsoienian bere pozik etorri,  
bizirik itzi tsoienian bere pozik etorri.”

- Julita: Egidxe da hori!

- Luzia: Pozik etorri. Hori kanta dot imetan ta ez dast ahaztuten hori kantie. Etxien [...] hori kantie, Bermioko pildaiñistek jun diz teillara.

- Julita: Bai, pildaiñistek ezan garizen, gu peldaiñistek ezan gara.

- Luzia: Gu pildaiñistek izan gara, baie orduen beste klase batera kantaten ezan duun.

- Julita: Ta kaleko andrak be pildaiñistek ezan dizenak.

- Luzia: Orduen pildaiñistek esaten ezan tsagun.

- Julita: "Entzun zu zer diñozu zuk, aizte bidxok ba?" Niri ta aiztiri, "errepublikanukaz zabiltzie ta". "Ta zer?"

- Luzia: "Aquellos tiempos"...

Julita:- Ta horrek dako zer ikusirik?

- Ta pildaiñistek zer dala ta?

- Julita: Pildaiñistek eurek ezizena imiñi.

- Luzia: Ezizena imiñi pildaiñistek. Ta horreixik kantaten zan: "Bermioko pildaiñistek dxun die Estellara Bitoridzeko entradan harrike atara".

- Julita: Neure aitxe koitxadue ta dxun zin.

- Luzia: "Bat eta bi, hiru eta lau, bost eta sei, zazpi ta zortzi, bizirik itzi tsoienien pozik etorri". Gero banderie gordeta be ekar dauila.

- Julita: Neure aitxek be kantaten ezan dauen ta hil dxenien be nik ein tsaten aitxeri berak gure ezan /guzan/ dauelez atizak, etxien okitzen ezan duun orduen hille ta amari esan tsaten: "ama, hau ta hau ingo dot". Basta ke geure aitxek gure ezan /guzan/ dauen ta ikurriñe, etxien okin duun ikurriñe, aitxeri bota ganien haulan ta atie zarratu, enterraten eruteko.

- Luzia: Atziñen politikien gaiñien buf!

- Julita: Bai.

- Luzia: Orain ez.

- Julita: Orain.

- Luzia: "Si te visto no me acuerdo".

- Julita: Orain ez dau lehengo beste ha, baie lehen ezan da gogorrak. Lehengo pildaiñistek ezan die.

- Luzia: Lehengo partiduek-eta.

- Julita: Gogorrak ezan die.

**Ahotsak.eus**-eko edukiarekin sortutako dokumentu automatikoa.  
*2026-03-01*

**CC-by-sa | Ahotsak.eus**  
Badihardugu Euskara Elkartea  
Markeskua Jauregia, 20600 Eibar  
943121775 - ahotsak@ahotsak.com